

國朝先正事畧卷五十六 孝義

平江李元度次青纂

劉孝子事畧子青藜 王 璵 李 惻 劉 星 郭培壩

劉孝子思廣河南襄城人。當明季寇亂。父漢臣被執。孝子方十歲。號哭奔赴。父已被害。慟哭收父屍。賊怒。截其耳鼻。不肯去。賊憐而釋之。負父屍以歸。兄弟同居。終身無閒言。有姊少寡。迎歸。撫其二子。給以田產。母歿。哀毀嘔血。遂以卒。寢門外。竄芝二本。人咸謂純孝所感。云子青藜。康熙丙戌進士。選庶吉士。性敏好學。博極羣書。十歲遭父喪。哀毀。血成疾。後母患疽。目不交睫。衣不解帶。者七閱月。淡於仕進。請急家居。不復出。母數疢之。終

不忍離膝下。生平清介自守。及母卒。囊無一錢。邑令致贖始克殮。父子並祀鄉賢。

同時王孝子。庭祥符人。性純孝。年八歲。侍祖父疾。母氏刲股以療。翁孝子十指忽痛甚。趨問母知其故。卒飲泣不言。以成母孝。與子符震同舉康熙甲子鄉試。乙丑成進士。部檄至。依依不忍離膝下。父母督之不得已入都。一夕夢中忽驚悸恍惚。母氏刲股時情狀急馳歸。母疾已大漸。人以為誠孝所感。服闋父促令就銓。得新會令。會裁缺。卽告養歸。絕意仕進。所學一宗程朱淹貫經史。尤邃於易。祀鄉賢。又同郡李孝子。惻尉氏人家貧。以木工營生。父患痺痿。孝子事之惟謹。遇歲歉不能養。乃乞食於市。

歸以啖父。後得賑穀一石。慮不可長。繼日春升。許與父。而以糶
糶自咽。及父病劇。夜中鄰人猶聞孝子撫摩嗟泣聲。越明則孝
子已抱父足死矣。其父亦一慟而絕。鄉人重其孝。爲葬之。雍正
十一年旌。又有劉孝子星者。祥符人也。爲諸生。有學行。年十
三喪父。哀毀逾常。母病。封左股以進疾。遂瘳。生平雖盛暑。未嘗
袒裼。恐人見其劍痕也。後以子士聰貴。贈給事中。

又郭孝子培塿。新鄉人也。邑諸生。性至孝。母沒。廬墓三年。晨夕
哀號。塋外舊有先世祠。一夕失火。孝子抱木主冒火出。倉卒中
遺生母像。復衝入烈焰中。檢得之。身幾損。性尤廉介。取與無所
苟。有藥賈止宿其家。遺金百兩。孝子追還之。雍正六年旌。

顏孝子事畧 顧 鼐

顏孝子中和。本名發祥。吳之楓橋人。其父宏仁。順治初有怨家。周昌者。乘亂偕其黨十餘人。誘宏仁。閉空舍中。殺之。而棄其首。己顏氏得道旁尸。驗之。良是。屢購其首。無有也。及物色殺者。主名。知爲昌。連控諸官。不得直。時孝子年甫十三。痛其父被殺。嘗與兄孟和。取析薪斧。出礪之。復束梟草。如人形。書昌姓名其上。以試斧。如是者數矣。鄰里知者。數易之。以謂此穉子戲耳。卽昌聞之。頗心動。然亦未暇備也。逾三年。孝子懷斧竊告其母曰。兒將往復父仇。母大駭。搖手止之。曰。昌無籍。有膂力。汝弱小。何能爲。慎勿自速死也。孝子奮衣出門。不顧。是日值昌市中。孝子陰

尾之行昌不知也行稍前遽自後揮斧中昌首流血被面昌方左右顧又斧之會其母趨孟和去視弟孟和趨至昌已死兄弟相率號於眾請詣官首罪眾如其言既至縣庭孝子與孟和爭自承殺人官不能決眾從旁分別言之始下孝子於獄其母蒲伏往視之且哭且撫其背詎曰駭兒豈不聞殺人者死顧欲以父子兩命易人一命耶孝子怡然曰父仇得復死不憾其明年巡按御史錄囚遂釋孝子而周昌前所與其殺宏仁者十餘人先後皆病死臨死時皆言顏泰如守我徧體青赤色若有擊之者或又言泰如幸緩我泰如者宏仁別字也不期年十餘人無一在者而孝子兄弟無恙

顧孝子鼇亦吳縣人也。年二歲時。父仲常爲其仇金瑞甫所殺。鼇稍長。知父死狀。卽淬一刀。挾以出入。金亦避之。順治辛丑。鼇年十八。遇金於胥口。拔刃刺之。金躍入水。鼇從之。連刺不死。金逸去。挾重貲誣鼇以盜。兵備王紀。郡丞劉瑞訊得實。卒誅瑞甫。

去處重貴。請以盜兵。計王。孫。陳。永。隆。縣。請。縣。賈。卒。端。縣。甫。
爭十八。縣。金。外。省。口。姓。氏。陳。文。金。羅。人。永。請。盜。文。數。陳。不。承。金。
請。縣。員。陳。文。永。縣。昭。率。一。氏。姓。以。出。人。金。衣。縣。文。數。節。辛。壬。請。

吳孝子事畧

孝子姓吳名紹宗字二璧江西新城人性敏善屬文弱冠補諸生第一。屢試輒高等。父道隆病久之痺不能起。前後血並下。醫藥十餘年罔效。康熙戊午正月病甚。孝子惶恐無所出。乃齋沐焚香告天地。刺血書疏。將謁大華山。自投捨身崖。代父死。大華山者撫州崇仁縣名山也。距新城三百里。相傳神最靈異。諸來謁者有罪輒被禍不得上。甚則有靈官擊殺之。同行人聞輟聲歸。然或忽狂病。自道生平隱惡而神殿左有懸崖陡絕。以捨身崖人情急不欲生者。則擲身投之。頭足盡破折死。孝子既告天作疏。獨身行二日至山上。宿道士管遜吾寮。同寮宿者南昌鄉

先生二人同郡邑諸生二人十八日孝子入廟默禱焚疏訖同寮人邀遊著棋峯路經捨身崖孝子忽越次前行至崖所歎然投身下同行人驚絕不知所爲一時傳駭聚觀者千人道士趨買棺往就殯自山頂至崖下路紆折四十里而殿上道士急奔崖所呼眾人曰誰云吳秀才投崖死者今方在神座下叩頭方巾道服如故眾走視之果然方孝子之自投也立空中不墜開目視足下有白雲起遙望見石門門上一大孝字俄見三神人命之曰孝子吾左側石有仙篆九十二畫汝謹識之歸書紙食汝父不特卻疾且延年更授治痢瘡驅瘟咒并諸篆孝子叩頭謝畢身已在殿上孝子乃言吾如夢中也遂馳歸一日有半而

至家至則父垂絕孝子急書一篆焚服之室中皆聞香氣甫入
口父喈曰是何藥耶疾大愈孝子徒步往返六百里不飲食者
五日而父乃益康彊善飯以詩酒自娛年九十二無疾終焉孝
子生平好名義輕財數爲人解說闕既感神應益自修人病苦
者恆用符篆救之以施藥爲名

朱孝子事畧

孝子姓朱名壽命。江西餘干團湖村人。康熙乙卯。遭亂。與母李相失。孝子日夜泣。不欲生。如是者數年。一夕夢若有神語云。汝母無恙。籍正藍旗下。孝子益痛哭。遍拜其戚族鄰里。且與訣曰。壽命苟不見母。不生還矣。短衣芒屨。背黃袱。足脛赤露。匍匐三千餘里。走京師。至則行乞市中。或遺以餅餌。則自食。遺以銀錢。則紉衣縫中。竟日忍饑。不敢費一錢。爲贖母計也。蹤跡久之。果得母所在。如夢中語。而旗人故邀重購。拒孝子。孝子曰。謁其門外。雙膝爲腫。遇母生日。持肉麪一盂。謁進。母伺母食畢。然後起。邵遠平學士時官京師。義而贖之。既出。無所依。因留學士家。母

性卞急。小不如意。則詬詈不休。甚則摔面批其頰。孝子益嬉笑。謝曰。恐傷母手。後數月。得便角。奉母歸。餘于孝子體羸面黃。不知書。故其語質。每對人言。在母腹時。日吮母血三合。何忍不報。蒸其天性也。

楊孝子事畧

蕭日瑣

孝子名文蔚。浙江上虞人。父榮明。諸生。康熙丁未。父年八十有七。病。孝子走廁。驗嘗其糞。甘。號於天。請身代。不得。父竟死。越十年。母病痢。中死。法醫者凡數輩。皆辭去。孝子獨念父危。死不救。今復爾。生男何爲也。世已無鍼灸技。豈湯體亦告絕。乃闔戶。剖左臂。以其肉。雜薑汁。漚之。三漚。三進。母病霍然。已時。丙辰九月二十一日也。方孝子將剖臂。束臂以兩麻。令肉墳起。然後迫噬之。而脫之。以刃。故創甚鉅。骨露。凡百二十日。始合。創人不知也。戊午。邑令廉其事。告諸臺使者。將旌之。孝子再拜泣辭。固強之。泣愈甚。乃題其門曰。以身壽母。孝子爲人謙而和。輕財好義。不

以俠烈名人以孝稱之必變色踴躍每月吉輒禱城隍神願減
年益母壽然秘不令諸兄知若惟恐以獨行傷兄意者同時有
蕭孝子者江都人也諱曰璜母朱氏病且殆孝子刲脇割肝使
婦虞氏和藥進母病愈而孝子死孝子既喪虞氏謂母初愈
不當使聞增悲慟乃匿語姑曰日璜出耳殯孝子他室奠則衰
經而哭入則常服而奉進食飲孝養十餘年姑死虞氏守節以
終孝子事在康熙時墓在梅花嶺東邑人祠於墓側轉運使朱
孝純至修其祠宇爲立碑而銘之